

欽定剿平三省邪匪方略

欽定剿平三省邪匪方略正編卷八十七

己未年

正月初三日

壬戌

惠齡德麟奏言冉文儒一股

賊匪前自箕山敗竄逃至通江之麻壩寨附近

一帶山梁全被佔踞

臣

等帶領現有官兵趕向

通江進發一路雪飛冰凍官兵踴躍前行馳抵

通江之東會山梁察看麻壩寨地勢險峻周圍

亦極寬廣前爲牛石礮後爲二郎廟南通梨樹

坡北達木通埡均屬深溝峭壁其外九子坡黃  
包袱石坡山三角灘謝家坪亦係要隘處所該  
匪等均令匪黨遍處紮卡把守而於馬鞍山切  
盤寨大鐘寨等處築有木柵石牆扼我進兵道  
路且冉文儔狡詐異常乘夜刦營是其常技

臣

等當飭各營卡嚴行準備安置鎗礮而於營之  
左右分派達勤精阿色爾滾帶領吉林索倫官

兵埋伏賊匪果於是夜三更時涉淺渡河約有  
千餘人直撲官兵營盤我兵施放連環用礮轟  
擊斃賊約二三百人賊卽潰散又經吉林索倫  
伏兵箭斃一百餘人餘匪竄回山梁我兵趕至  
茨巴河邊殲賊又有百餘人次日黎明臣等卽  
帶兵渡河乘勢進逼見坳盤寨一帶賊卡嚴密  
山腰設有木城勢難徑上當卽設法躡探該寨

後有山梁一道路甚巉削而樹木叢雜尙可攀  
援而上當派令溫春阿納保蘇清阿札勒杭阿  
馬瑜馬應國等帶兵乘夜前往該處埋伏俟官  
兵攻打賊卡卽行潛上臣等督率賽沖阿阿穆

勒塔李紹祖德寧穆克登布李應貴等卽於四  
更潛進時風雪交作該匪等猝不及防我兵搶  
上賊卡賊始驚覺擲石放鎗抗拒維時溫春

等已從賊寨後攀陟而上拋擲火彈立將草柵

焚燒賊人慌亂

臣

等督兵奮勇進攻卽將賊卡

擊破一湧而入殲賊四百餘人生擒向世榮等

據供冉文儔手下有萬餘人前聞官兵拏獲羅

其清心甚畏懼恐官兵來剿預將各處卡子築

設木城現在四面俱有寨子而大鐘寨坳盤寨

馬鞍山尤爲緊要遣令多人嚴加拒守此時攜

得糧食甚多聞冉文儔說若守得住卽在麻壩寨過年若守不住再行逃走至冉文儔逐日移動並無一定處所等語餘無要供概行正法

臣

等當卽分爲兩路

臣

德楞泰率同賽冲阿阿穆

勒塔等進剿大鐘寨賊卡

臣

惠齡督率李紹祖

關聯陞馬國銳穆克登布等帶兵進剿馬鞍山

賊卡均於五鼓進發

臣

德楞泰帶兵行抵大鐘

寨下見山梁陡險頗難仰攻當卽督飭官兵由  
旁道而上齊抵寨門鎗箭並發殲斃百餘人賊  
匪施放擗石捨命拒守黑龍江委防禦牛呢木  
保左乳受鎗直上卡塢連拋火彈延燒賊棚並  
卽砍開棚門手殺數人我兵奮力競進刀鎗併  
舉殲賊四百餘人餘衆驚潰我兵隨後掩擊生  
擒夏達誓等二十餘人當將大鐘寨佔住時

臣



惠齡帶兵行至馬鞍山見賊卡之前有橫梁二道必須搶佔方能進撲賊卡當卽督飭官兵攀越而上施放鎗箭賊匪極力抵禦

臣

復派令穆

克登布帶兵由橫梁抄上從旁掩殺斃賊數十人賊匪潰亂我兵乘勢攻破卡門短刃相接殲賊三百餘人生擒苟潤等三十餘人餘匪悉向後山竄逸當將馬鞍山搶佔所有擒獲之夏達

誓等訊無要供俱卽正法統計連次殺賊將及  
二千餘人現在麻壩寨四面賊卡林立而冉文  
儔詭詐百出並無一定賊巢<sub>臣</sub>等現有之兵不  
敷圍剿一面知會朱射斗由西北馬鞍寨一帶  
堵截一面逐層進逼以冀掃穴擒渠設該匪情  
急竄逃更當不遺餘力設法兜剿奏入是日

太上皇帝龍馭上賓奉

御批朕不孝遭

皇考大事五內昏亂只要汝等各具天理良心迅速成

功仰慰

在天之靈朕亦不能多諭矣

初四日

癸亥

上命軍機大臣傳諭勒保惠齡恒瑞富成宜細景安

秦承恩倭什布額勒登保明亮德楞泰曰我

皇考臨御六十年

天威遠震武功十全凡出師征討卽荒徼部落無不立  
奏蕩平若內地亂民如王倫田五等偶作不靖不  
過數月之間卽就殄滅從未有經厯數年之久糜  
餉至數千萬兩之多而尚未覈功者總由帶兵大  
臣及將領等全不以軍務爲事惟思玩兵養寇藉  
以冒功陞賞寡廉鮮恥營私肥橐卽如在京諸達

待衛章京等遇有軍務無不營求前往其自軍營  
回京者卽平日窮乏之員家計頓臻饒裕往往托  
詞請假並非實有祭祖省墓之事不過以所蓄之  
資回籍置產此皆朕所深知可見各路帶兵大員  
等有意稽延皆蹈此藉端牟利之積弊試思肥橐  
之資皆婪索地方所得而地方官吏又必取之百  
姓小民脂膏有幾豈能供無厭之求此等教匪滋

事皆由地方官激成卽屢次奏報所擒戮者皆朕  
之赤子出於無奈爲賊所脅者若再加之腹創勢  
必去而從賊是原有之賊未平轉驅民以益其黨  
無怪乎賊匪日多輾轉追捕迄無蕝事之期也自  
用兵以來

皇考焦勞軍務

寢膳靡寧卽大漸之前猶頻問捷報迨至彌留並未別

奉

遺訓仰窺

聖意自以國家付託有人他無可諭惟軍務未竣不免  
深留遺憾朕躬膺

宗社之重若軍務一日不竣朕即一日負不孝之疚內  
而軍機大臣外而領兵諸臣同爲不忠之輩何以

仰對

皇考在天之靈伊等卽不顧惜身家寧忍陷朕於不孝  
自列於不忠耶况國家經費有常豈可任伊等虛  
糜坐耗日復一日何以爲繼又豈有加賦病民之  
理耶近年

皇考聖壽日高諸事多從寬厚凡軍營奏報小有勝仗  
卽優加

賞賜其或貽誤軍務亦不過革翎申飭一有微勞旋經



賞復雖屢次飭催奉有革職治罪

嚴旨亦未懲辦一人卽如數年中惟永保曾經交部治  
罪逾年仍行釋放其實各路縱賊竄逸者何止永  
保一人亦何止一次乎且伊等每次奏報打仗情  
形小有斬獲卽鋪敘戰功縱有挫衄亦皆粉飾其  
辭並不據實陳奏伊等之意自以

皇考高年惟將吉祥之語入告但軍務關係緊要不略

稍有隱飾伊等節次奏報殺賊數千至數百名不  
等有何証驗亦不過任意虛捏若稍有失利尤當  
據實奏明以便指示機宜似此掩敗爲勝豈不貽  
誤重事軍營積弊已非一日朕綜理庶務諸期核  
實祇以時和年豐平賊安民爲上瑞而於軍旅之  
事信賞必罰尤不肯稍從假借特此明白宣諭各  
路帶兵大小各員均當滌慮洗心力圖振奮務於

春令一律剿辦完竣綏靖地方若仍蹈欺飾怠玩  
故轍再逾此次定限惟按軍律從事言出法隨勿  
謂勿主可欺也

臣  
等謹案我

高宗純皇帝聖武布昭超軼前代此次剿辦三省邪匪  
已在

援鑒之後我

皇上親承

訓政

臨軒籌筆祇秉

神謨特因匪黨蔓延日久未能竣事而帶兵大員往往  
以

聖壽益高未免鋪張吉語上慰

堯谷迨至三年冬間

高宗純皇帝聖體不懌而

顧問軍書自朝至晡

彌留之時猶殷殷以

望捷成什我

皇上視

膳問

安寧勞無間而

皆授機宜無微不至茲當諒陰悲愴之中倍切遺大  
投艱之念

特申訓諭整飭戎綱越日而逮問大學士和珅以壓  
擱軍報一事首列罪狀正以逗撓之法於是  
將帥之臣莫不惴慄効命爭自濯磨而後數  
萬兇渠始得以次殲除

紹

十全之偉績慰

靈爽於在天仰維

聖孝

聖功所以承

篤祐而揚

先烈者蓋有其難其慎者矣

初五日

甲子

宜綿奏言

臣

因張潼潮一股賊匪竄

入盧氏經明亮與肇帶兵緊追總兵關騰副將  
官信遊擊邢承誥分布東路以備折回夾擊至  
南路李樹煥人傑龍紹周唐明萬等各股賊匪  
在太平境內往來焚掠總欲乘間竄入陝境經

臣親督鄉勇在安康之南天門黃金溝等處擊

退後又由紫溪河攻撲紫陽牽牛梁高阡子卡  
隘經總兵柯藩知縣蔣志坦分帶兵勇等施放



鎗礮擊斃一百餘人賊匪仍退回紫溪河屯紮  
其勢將趨西鄉臣查西鄉邊界延長七百餘里

道路分歧山坡平坦非安康紫陽高山峻嶺可  
比我兵若入川追剿則賊股繁多必從別徑竄  
入若分段防守則兵力不敷惟有於適中扼要  
之地分住重兵賊來則迎擊賊退則我兵互相  
聯絡使之不能深入以便相機進剿現在恒瑞

已自漢中移師罐子山在西鄉西南防堵王文  
雄紮營堰口在西鄉正南防堵惟東南與紫陽  
交界處所尙覺空虛

臣

前調副將李文蔚之兵

已自寧羌趕到卽令其馳赴鹿池壩駐防與恒

瑞王文雄爲三面犄角之勢而兵力尙單

臣

又

掣回防守漫川關之總兵慶溥趕赴鹿池壩

臣

亦自南天門馳抵紫陽詎慶溥行抵紫陽賊匪

已入漁渡壩<sup>上</sup>遂令其改道由鞍子溝至王黑

壩扼其趨赴石泉江岸之路適據探報張漢潮

股匪自河南折回商南不經卡隘翻山越嶺於

十八日由牌樓溝至松樹溝經副將官信知縣

錢廷琛督率兵勇擊斃執旗賊目賊匪五名匪

衆五百餘名生擒四十七名皆傷重垂斃均卽

正法餘匪向西奔竄其駐紮巒庄之遊擊邢承

諸守備尙其淪等卽帶兵勇連夜趕至商維鎮  
之西北奮力剿殺殲賊一百餘人餘匪由干河  
向山陽山內奔竄又接明亮來信官兵在下湯  
地方殺賊千餘餘匪向伏牛山奔逃欲回湖北  
唐子山明亮由南陽迎剿總兵張文奇從後追  
擊該匪折回西奔現在督兵星夜由鎮平內鄉  
迎頭截剿等語

臣

查此股賊匪經明亮等連次

剿殺多人今又分爲兩股方入陝境正當乘其  
力分勢窮之時趕緊剿洗

臣

遂飛札官信留駐

商南俟後股賊至與明亮等兩面夾擊並嚴飭  
關騰兼程與邢承誥等合兵追擊前股之賊並  
抽派興安等處防守新舊兵五百名鄉勇六百  
名令叅將韓加業帶領馳赴鎮安一帶與關騰  
前後夾擊仍一面飛咨恒瑞秦承恩王文雄等

相機會剿南路各股賊匪務期迅速肅事奏入  
上命軍機大臣傳諭宜綿景安恒瑞秦承恩倭什布  
明亮曰宜綿奏截殺張漢潮股匪情形摺內稱我  
兵若分段防堵則兵力不敷惟於適中扼要之地  
分駐重兵等語既云兵力不敷何以又有重兵分  
駐措詞自相矛盾可見伊等捏詞虛報並不親身  
督辦僅派鎮將等前往堵剿率照所稟任聽幕友

隨意填寫隔數日奏報一次塞責伊等擁兵自衛  
安心度歲甚至飲酒宴樂置軍事於不問此等積  
弊朕所深知豈能始終掩蓋且兵力不敷之故皆  
由伊等平日漫不經心並未認真查核以至鎮將  
等坐冒空糧虛糜廩給卽鄉勇亦恐有名無實不  
過爲濫銷軍需地步著傳旨嚴行申飭至南路賊  
匪李樹樊人傑等各股賊匪在太平境內往來焚

掠雖經柯藩等截殺尙在紫溪河屯紮逼近陝境  
西鄉宜綿已咨秦承恩王文雄慶溥等分投防剿  
恒瑞亦自漢中移師在西南防堵伊等卽不能入  
川剿捕一鼓殲擒務當於交界處所實力堵截勿  
令一名闖入陝境庶不致蔓延滋擾若稍有疎縱  
必將伊等從重治罪至張漢潮一股賊數本屬無  
多明亮等並不奮力兜剿任聽由川入陝復由陝



竄豫幸有倭什布帶兵在彼堵剿截回陝境明亮  
等惟事往來尾追實屬無能著傳旨嚴行申飭此  
時若不趁賊匪力分勢蹙之時上緊夾擊迅縛渠  
魁昨降諭旨甚明必按軍法從事毋貽後悔

初七日

丙寅

恒瑞奏承恩奏言查張漢潮一股因

明亮倭什布兜剿緊急分出一股翻山竄至陝  
省商南邊境經副將官信遊擊邢承誥守備尙

其倫等截殺多人餘衆竄至龍駒寨時署州同  
蓋方泌探聞賊蹤將近卽於附近趕辦燭麵數  
千觔暗撓信石存放街頭空屋以爲誘賊之計  
賊衆蜂擁而來果卽分掠裹帶而去沿途中毒  
倒斃者甚多餘向山內狂奔臣秦承恩已飛飭  
各路將弁刻卽躡蹤追殺又經宜綿抽撥兵勇  
派令叅將韓加業帶往協剿至四川太平境內

各股賊匪現在西鄉九陣壩漁渡壩一帶出沒

滋擾因內卡防守嚴密未令闖入腹地王文雄

已帶兵由堰口向南迎擊

臣

恒瑞由罐子山前

進相機截剿兼防西路宜綢復派慶溥由紫陽

馳赴西鄉向東路抄襲與王文雄會合剿辦

臣

秦承恩居中策應並督率同知徐洪懿知州朱

昌琿等鼓勵各路鄉勇隨同官兵嚴密堵截總

期聲勢聯絡迅掃賊氛奏入

上命軍機大臣傳諭恒瑞宜綿素承恩明亮曰張漢  
潮一股賊匪經明亮等剿捕多日何以又任分股  
奔竄迄未能擒獲首逆似此跟蹤追剿使賊匪來  
往自如何日始能剿盡明亮等實屬喪盡天良卽  
恒瑞等摺內所稱於燭麵內暗攙信石誘賊掠食  
毒斃者能有幾何亦非正辦自當設法佈置四面

兜截爲一鼓殲擒之計現在宜綿秦承恩已分派官兵四路協剿明亮與肇務須趁賊匪窮竄之時會同合擊速擒賊首倘再任輾轉奔逃必將伊等從重治罪至四川太平境內各股賊匪現在西鄉一帶出沒滋擾王文雄恒瑞分別擊剿宜綿秦承恩亦在彼督率防堵尤應同心協力相機迎剿卽不能入川剿捕務於交界處所實力堵禦總之賊

匪一日不平良民一日不安須奮發忠誠仰慰

在天之靈其共勉之

初八日

丁卯

勒保奏言竊

臣

前次督兵於魚鱗口

上搶佔橫梁一道卽於該處拏卡駐劄十四日

丑刻復派觀成德英額穆克登阿仍由老觀嘴

等處原路進攻以分賊勢

臣

督同達三泰百祥

薛大烈由橫梁進發天甫黎明達三泰等帶領

官兵出其不意越過濠溝砍開木城首先搶入

攪殺一處殲斃甚多我兵正在鼓勇直上詎賊

衆詭譎潛由溝內分股抄出計圖搶截後路達

三泰當與百祥薛大烈督兵分投剿殺賊匪往

來衝突勢甚兇悍達三泰奮勇壓下濠溝不期

兩旁尙有伏賊達三泰突中矛傷陣亡遊擊吳

玉貴併力救護亦致受傷殞命維時百祥薛大

烈等將山溝伏賊痛剿賊匪始陸續遁回悉力

固守

臣

焦灼萬狀連日督兵攻撲而賊匪踞險

相持不能徑上至二十一日傍晚大霧迷漫當

復通傳各將領挑選奮勇兵丁分路各帶雲梯

密傳口號約定二更潛伏山下三更同抵賊巢

百祥德英額在老觀嘴仙人洞兩路帶兵直抵

賊卡一面扳開鹿角拋擲火彈將草棚焚燒該



匪等立形慌亂觀成穆克登阿薛大烈兩路官兵亦由鹽渠山魚鱗口相繼並上均將賊卡焚燒賊匪始猶抗拒嗣見四路火起四散紛逃我兵乘勝殲殺滾崖落澗並自戕者不計其數凡有擒獲活賊隨訊以首逆下落均稱不知曾否殲斃及至銅鼓坪之上又拏獲活賊數名訊據供稱冷添祿於老觀嘴火起之時先率黨與數

百人從雞公梁滾崖奔竄等語查由雞公梁可至江口路逕更歧當派百祥帶領兵勇由江口一路跟蹤追躡穆克登阿由沙茫子一路遏其

東趨大寧

臣

卽督率德英額等由溫湯井一路

防其西竄開縣均連夜進發並留觀成於祖師觀搜捕餘匪詎賊匪離巢之後見兵則避乘空卽行翻山越嶺毫無定向三路官兵連次追及

於梓潼廟三包山等處沿途均有斬獲無如該  
逆等捨命狂奔於二十四五等日直奔紫水壩  
三登坡一帶該處爲東鄉開縣新寧交界處所  
適據新寧縣具報現有另股賊匪或稱爲王光  
祖或稱爲林亮功分股賊目賴儀章率衆數千  
在輾子壩普安場一路焚掠逼近縣城勢甚緊  
急因查冷添祿一股餘匪旣到三登坡如由東

鄉南壩場取道正可直達新寧倘又與該處竄  
匪合夥則辦理較爲費手是以現在一面飛飭  
百祥穆克登阿就近跟蹤設法剿捕臣一面由  
溫湯井改道馳赴新寧以杜賊匪竄合路逕奏  
入

上命軍機大臣傳諭勒保曰勒保剿辦賊匪已及兩  
載總不肯實力奮擊速擒賊首其意不過欲延挨

歲月坐冒軍糧伊之所恃者因有和珅爲之庇護  
朦蔽是以敢於任意遲玩今和珅已革職拏交刑  
部伊已失所依恃豈能復行故智伊仰受

大行太上皇帝厚恩命爲總統並封公爵自應竭忠圖  
報乃似此昧良負恩厥罪甚重卽本日奏到之摺  
仍係空詞敷衍所辦何事今姑予以自新若能痛  
加慘改及早歲功則從前迎合鑽營之罪尙可格

外寬恕倘仍前泄泄隔數日發報一次以空言搪塞則是甘蹈重譴國憲俱在朕亦不能爲伊廢法也稟之慎之所有打仗陣亡之提督達三泰遊擊吳玉貴俱著咨部議卹

初九日

戊辰

上命軍機大臣傳諭勒保曰勒保在川東剿賊多時未能迅速蕝事固有應得之咎但伊剿捕犵苗一

手妥辦著有勞績入川後又將首逆王三槐擒獲較之各路領兵大員猶爲彼善於此此時若另簡總辦軍務之員一時不得其人勒保著仍授總統之任自惠齡以下皆受其節制庶事權畫一責有攸歸若伊等不能認真剿賊或不聽勒保調遣卽當據實嚴叅以違軍制論從前軍營帶兵各大員皆以和珅爲可恃祇圖迎合鑽營並不以軍事爲

重虛報功級坐冒空糧其弊不一而足今和珅業經革職拿交刑部伊等失所依恃向來掩飾虛捏之技已窮惟當以國事爲重一心對朕勉力蔽功若再不力加悛改奮發有爲督率將領等設法兜截速擒各首逆明罪上加罪軍律具在斷不能爲伊等屢次曲貸也至明亮等所剿張漢潮一股至今迄未擒獲聞張漢潮一老病無能之賊逃竄時



剃去鬚髮用椅擡行其衰憊可知乃明亮等任其  
往來奔逸日久稽誅實屬無能已極經朕此次飭  
諭若再不知愧奮設法兜擒必按軍法嚴懲凜之  
慎之

上又命軍機大臣傳諭宜綿曰宜綿在興安一帶防  
堵賊匪伊係陝甘總督封疆是其專責乃從前賊  
匪至境任其越界奔竄來往自如不能實力堵截

每奏稱漢江水淺竄賊得以偷渡皆係藉詞捏飾以掩其縱賊之咎嗣後著責成宜綿務須於陝省邊境一帶嚴密防堵毋許竄匪一名闖入若能於堵剿時將賊首拏獲固屬甚善卽或不能擒拏首逆總當以實力防堵固守邊疆爲要

上又命軍機大臣傳諭秦承恩曰秦承恩在漢中一帶邊界堵禦並不能嚴密防範任賊往來奔竄卽

如張漢潮一股賊匪係由漢中入陝復由陝至豫  
竟無兵勇阻截該撫有封疆之責咎實難辭節次  
所稱漢江水淺之語皆不足信著傳諭秦承恩務  
當督率兵勇實力防堵若能擒獲首逆固屬甚善  
否則亦當以邊界爲重毋任賊匪越境奔竄嗣後  
倘有賊匪闖入陝境之事惟秦承恩是問

十三日 壬申 惠齡德楞泰奏言由文儔一股賊匪

與羅其清同時起事實爲川北著名逆首臣等

前次連奪賊卡逐層進逼於十二月二十二三四五等日將九子坡黃包秧石坡山三角灘各處要隘地方全行搶佔隨於二十六七八等日復將麻壩寨附近之牛石礮二郎廟梨樹坡木通壩各賊卡次第攻克漸逼賊巢總計殺賊二千餘人麻壩寨北面俱係懸崖峭壁無路可攀

而東西南三面路逕險仄賊匪築有寨門其門外各設木城三層俱令夥匪多人拒守

臣等分

兵三路

臣

惠齡督率李紹祖關聯陞馬國銳穆

克登布等帶兵扼其西

臣

德楞泰督同賽冲阿

溫春達勒精阿明德德寧扎勒杭阿馬瑜達自

祥閔懷希等帶兵扼其東並令阿穆勒塔朱射

斗阿納保孫德保色爾滾蘇卿阿西凌阿佛寧

帶兵在南面嚴圍三十日直逼寨下斷其樵汲之路因思時屆歲底賊諒官兵未必進剿恐其乘夜下寨潛爲砍柴偷水之計豫爲設伏乘機掩擊是夜三更後賊果分三股前來直撲官兵營盤另有一股賊匪約二百餘人潛往山溝汲水經埋伏之官兵突出將汲水賊人殲斃殆盡其三股撲營賊衆又經官兵鎗擊箭射殺斃多

人俱行潰散回寨臣等於元旦五更仍分三路

進剿臣德楞泰帶兵攻撲東門察看木城內茅

棚甚多當有都司李東山外委董榮兵丁廋貴

拋擲火彈立將茅棚延燒賊人慌亂我兵卽將

木城打破一湧而進斃賊四百餘人餘賊潰竄

董榮身受鎗傷陣亡官兵乘勝掩殺又斃三百

餘人搶上山岡惟時臣惠齡帶兵直抵西門向

上搶撲賊匪竟敢放鎗擲石我兵奮勇異常當  
有遊擊段逢春外委蔣芳李大盈等砍開木城  
手刃數賊官兵同時並進短刃相接斃賊二百  
餘名段逢春等三人俱受傷陣亡我兵人人憤  
恨衝入賊巢與臣德楞泰一路官兵會合遙見  
火光中賊人傾巢而出分投抗拒正在奮力迎  
殺適朱射斗阿穆勒塔攻克南門帶兵抄截前



來合兵掩擊鎗箭所到無不紛紛立斃約殲賊  
三千餘人惟時賊中大小男婦哭聲震地赴火  
滾崖自相踐踏者不計其數忽見一賊手執大  
旗率領餘匪二千餘人捨命衝出勢甚兇悍經  
阿穆勒塔朱射斗等帶兵迎截臣等帶同賽冲  
阿溫春李紹祖等從後兜殺斃賊八百餘人該  
匪等捨死相持四川守備何勝華受傷陣亡當

有吉林甲兵德楞額川北鎮兵陳在朝李正瓏  
鄉勇首周應瓏等奮不顧身衝入賊隊立將執  
旗之賊用鎗擊傷倒地卽行擒縛餘匪登時潰  
亂官兵前後截殺斬獲殆盡臣等隨派官兵分  
投搜捕生擒冉文儔之子冉添受及苟文玉等  
男婦一千餘人奪獲偽造旗幟大小一百六十  
三桿並將賊寨焚燬洗蕩共搜獲牛馬八百餘

匹頭並米糧等物俱賞給出力兵勇鎗礮刀矛

四千餘件留營備用

臣

等當提執旗之賊研訊

該匪身受重傷不能言語隨令留營逆犯夏達

恩指認據稱卽係冉文儔復提冉添受研訊據

供伊父冉文儔現已被擒苟文玉等供亦相同

惟該逆受傷甚重業將垂斃未便倖稽顯戮

臣

等當卽傳集附近村民將冉文儔戮割凌遲復

將屍身剝揚軍民無不歡呼稱快但此股賊匪  
雖經掃穴擒渠猶恐黑夜中或有竄逸零星餘  
匪當飭地方官率領各寨團勇實力搜捕務使  
不留餘孽以靖川北地方現在臣等移此勝兵  
探明何路緊要卽赴何路剿辦再此次十晝夜  
攻剿賊匪分外出力及受傷員弁分繕清單恭

呈

御覽奏入

上命軍機大臣傳諭惠齡德楞泰曰川北賊首冉文  
儔與羅其清同時起事到處焚掠擾害良民實屬  
罪大惡極羅其清前已生縛解京此次擒獲冉文  
儔掃蕩賊巢適當元日仰荷

上天垂眷

皇考默佑嘉慰之餘叩感不盡惠齡德楞泰殊爲奮勉

現已降旨分別加恩所有砍開木城手殺賊匪受  
傷陣亡之遊擊段逢春外委蔣芳李大盈著咨部  
加倍恩卹打仗陣亡之守備何勝華外委董榮著  
咨部議卹至冉文儔首級著卽於該首逆滋擾地  
方每處傳示懸掛數日俾受害良民快心洩恨而  
不逞之徒亦共知儆惕再冉文儔之子冉添受擒  
獲後會否正法摺內未經敘明如業經正法則已

若已起解著於途次截回卽行凌遲梟示至惠齡  
等前次挈獲羅其清所有出力員弁著惠齡等於  
報便開單進呈候朕酌加恩賞此時兵威已振事  
機順利尤當鼓勇直前探明何路緊要卽向何路  
剿辦以次肅清餘孽綏靖地方近來各路領兵大  
員皆以專擒首逆爲事竟置餘匪於不問是以王  
三槐羅其清挈獲後餘黨仍四出焚掠未見廓清

今首逆冉文偉又經擒獲必當將各股竄匪一律  
剿盡方爲著有成效又聞各路剿賊名爲繞截其  
實畏賊遠避民間有賊至兵無影兵來賊沒蹤可  
憐兵與賊何日得相逢之謠又聞賊來不見官兵  
面賊去官兵纔出現二語此等積弊已非一日朕  
所深知嗣後各路帶兵大員務當痛加峻改實心  
實力奮勇立功迅速嚴事不得仍蹈故轍致干重



謹此一節著傳諭各路軍營一體謹遵

上諭內閣曰此次官兵進剿麻壩寨分路環攻殲賊  
多名生擒逆首冉文儔掃蕩巢穴甚爲奮勉可嘉  
惠齡德楞泰俱著加恩賞給頭等輕車都尉世職  
其吉林甲兵德楞額川北鎮兵陳在朝李正瓏鄉  
勇首周應瓏等當冉文儔執旗撲出時該兵勇等  
衝入賊隊卽行擒縛尤爲出力德楞額著授爲監

翎侍衛陳在朝李正瓏俱著以千總卽用周應瓏  
著入伍以千總卽用惠齡等保奏出力之副將銜  
叅將穆克登布著加恩賞給總兵銜員外郎鄭成  
基准其以道府擢用健銳營前鋒校喜昌阿武爾  
恭阿著補授額外前鋒叅領藍翎長吉慶著補授  
額外前鋒校黑龍江委叅領希靈阿賞給達沖阿  
巴圖魯名號仍照例賞銀一百兩吉林佐領委叅

領塔津保成都防禦歡福著賞戴花翎黑龍江委  
防禦獎賞藍翎穆騰額著賞換花翎盛京領催蘇  
冲阿吉林委叅領福祿慎委防禦烏爾恭額委官  
兆福黑龍江領催抓那雅門察馬甲齊成額圖木  
貝齊保荆州驍騎校雙成領催凌雲均著賞戴藍  
翎其餘員弁兵丁書吏等俱著照所請加恩以示  
獎勵所有受傷員弁交兵部照例給賞

欽定剿平三省邪匪方略正編卷八十八

己未年

正月十九日

戊寅

明亮與肇奏言查張漢潮率領

敗殘餘孽蓄意竄回湖北舊巢希圖由南召裕

州村莊稠密之區擄掠人馬勾結蔓延當令總

兵張文奇從後追擊

臣

等星夜由南陽大路抄

出賊前度免被其蹂躪並可迎頭截剿詎該匪

聞風畏懼連翻大山黑夜從里漫坪分股折回

奔竄

臣

等探知卽由荆紫關等處倍道前進行

抵陝境龍駒寨一帶據報前有賊匪數百人散

漫屯紮

臣

連夜帶兵趕至劉家莊乘其不備督

率官兵奮力擊殺殲賊百餘人擒獲賊目盛世

發等二十七名訊據僉供張漢潮探知前有馬

隊官兵截住去路又係平坦地方恐有失利連

夜率領衆匪潛回商維留我等在後率綴官兵

等語餘無要供當將該犯等正法飛卽帶兵前  
進途次山陽縣適接宜綿來信已派鎮將留住  
商南一路以期兩面夾擊詎張漢潮狡獪異常  
聞商南有兵不走東路從層巒複嶺中翻五郎  
大山前竄後股餘匪又四散奔逃臣等正當乘  
其力竭勢窮之際加緊進發初七日行至茅池  
子溝忽遇山腰內衝出賊匪數百臣明亮督

同愛星阿帶領馬隊奮力衝殺

臣

興肇同長春

帶領步隊兜圍賊匪公然抗拒我兵立時殺賊

二三百人生擒朱正昌等五十四名訊供此股

賊匪係陳掌櫃等率領六百餘人從四川與張

漢潮同到陝西忽分忽合後因張漢潮屢次敗

逃官兵趕來都是我等在後喫虧因而分出別

圖擄掠不料被官兵殺剩無幾餘匪翻入老林

逃去等語當將該犯等梟示<sub>臣</sub>等未便因搜捕零星餘孽致使張逆遠颺一面飛咨宜綿札飭該地方官搜剿淨盡一面卽由洋縣進剿以期尅日掃蕩奏入

上命軍機大臣傳諭明亮與肇曰明亮等剿辦張漢潮一股爲日甚久總未將賊首擒獲此次雖將分夥奔竄之陳掌櫃一股剿殺數百名亦恐皆懦弱



良民未必實係真賊至張漢潮係老弱無能之賊  
有何難辦豈有賊能奔竄而我兵獨不能追剿之  
理明亮等所帶官兵皆係滿洲精銳乃不能督率  
奮擊致我滿洲及東省勁旅漸成疲乏看來明亮  
等竟有意耽延希圖坐享供給節經降旨飭諭若  
再不知愧奮趁賊匪窮竄之時直前截擊尅日擒  
渠惟有執法嚴懲上報

考高厚之恩不救小民流離之苦斷不稍從寬貸

二十日

吳

上諭內閣曰欽匪滋事以來今已三載尙未蕩平揆厥所由總因和珅壓攔軍報諸事擅專於軍務每多掣肘以致各路軍營不敢以實入奏觀望遷延日久不能蕪事今和珅業經伏法此後斷無從中牽制之人帶兵大臣等自當咸知奮勵勉贖前愆

但恐勢不相下無所統屬各懷自私自利之心易  
啓爭功譏過之弊勒保初到川省時尙能振作近  
來號令不行惟以專剿冷添祿一股爲詞稽延數  
月迄未擒渠其餘各路軍營更難兼顧此卽事權  
不一之明証今特申明軍紀勒保著授爲經畧大  
臣賜以印信所有各路帶兵大臣及總督宜綿景  
安巡撫倭什布泰永恩高杞等悉受節制明亮額

勒登保素諳軍旅且辦理川楚那匪以來明亮剿  
平孝感賊匪額勒登保擒獲首逆覃加耀均曾著  
有勞績俱著實授副都統授爲叅贊大臣伊二人  
應否與勒保同在一路抑或別領一軍分佈要路  
之處著勒保酌量情形辦理其餘將領俱著勒保  
酌派具奏同知劉清聞其平日官聲尙好著勒保  
奏明量予陞擢以從民望勒保接奉此旨不得以

專剿冷添祿藉口應將此股賊匪交提鎮大員督  
兵剿辦伊卽帶領重兵或於川省或於陝省擇扼  
要適中之地居中調度統攝各路其有不遵軍令  
者卽行指名叅奏若貽誤重大軍情准其一面拏  
究一面具奏以重事權勒保身當重任尤應倍加  
感奮迅勉成功若能殲厥渠魁掃除餘孽必當加  
之懋賞優獎勲勞倘或仍前怠玩則受任專者受

罰亦重軍律具在勤保恐不能當此重戾也永保  
前在軍營獲咎業經釋放著加恩賞給藍翎侍衛  
賁送經畧印信前往軍營在領隊侍衛上行走至  
近日臣工等多有條奏軍務者若僅懸揣核議不  
過紙上談兵無裨實用著將各摺發交勒保閱看  
可行則行可止則止毋庸一一議奏

上又命軍機大臣傳諭勒保曰教匪聚衆滋事皆以

官逼民反爲詞昨冬賊首王三槐解到審訊時供  
詞亦有此語朕聞之殊爲惻然是以暫停正法我  
國家百數十年來厚澤深仁周洽寰宇

皇考臨御六十年無時不厪念民生痼瘼在抱普免天  
下錢糧漕糧以及蠲緩賑貸不啻億萬萬凡所以  
惠愛閭閻者至優極渥朕仰承

付託之重夙夜兢兢視民如傷一夫不獲宵肝殷懷豈

忍令數省蒼生罹於鋒鏑哉百姓幸際昌期安土  
樂業若非迫於萬不得已焉肯不顧身家鋌而走  
險總緣親民之吏不能奉宣朝廷德意多方婪索  
竭其脂膏因而激變至此然州縣之所以剝削小  
民者不盡自肥已橐大半趨奉上司而督撫大吏  
之所以勒索屬員者不盡安心貪黷無非交結和  
坤是層層剝削皆爲和坤一人而無窮之苦累則



我百姓當之言念及此能不痛心是以將和珅立  
正典刑以申國法而快人心現在大憝已去綱紀  
肅清下情無不上達各省官吏自當大法小廉前  
除積習民間無所擾累亦可各遂其生且教匪起  
事之初醜類原屬無多到處迫脅良民供其役使  
及賊勢方張之際突入村莊任意焚掠不從則立  
加殘害從之則冀緩須臾愚氓畏死貪生被其裹

掠此小民不得已之苦情朕知之詳而聞之熟矣  
夫教匪起於楚北沿及河南川陝地方往來奔竄  
肆其荼毒村落爲墟吾民遭其蹂躪者不知凡幾  
而賊匪每遇官兵又使裹脅之人在前抗拒經官  
兵殲戮者又不知凡幾或父兄叔姪被其戕殺或  
妻妾子女被其擄掠苟有人心能無切齒不過畏  
賊兇焰莫敢先發此時軍紀整肅鼓行而前著名

首惡卽日成擒所可憫者脅從之人皆朕赤子不  
忍駢誅耳從來命將出師祇有征討不庭斷無用  
兵誅戮良民之理特此剴切宣諭各路賊隊中之  
良民如有能縛獻賊首悔罪立功者不但宥其前  
罪尙可加前年湖南投出之苗匪吳隴登等格外  
邀恩否則或潛行散去或臨陣投降亦必釋回鄉  
里俾安生業倘執迷不悟軍行所至玉石俱焚悔

將何及著勒保將此旨遍行曉諭川陝楚豫各地  
方咸知朕意

臣等謹按皇當則民服良安則暴除川楚教  
匪日久未奏蕩平賊蹤所至荼毒滋深而各  
路帶兵大員勢不相下又以和珅專擅牽制  
不免心存觀望

皇上於軍務民隱洞燭靡遺茲於

親政之始亟除大憝

朝綱旣清軍政斯飭

特遴勒保爲經畧大臣賜以印信明亮額勒登保爲  
叅贊大臣俾事權歸一統攝戎樞而又

重申誥諭遍示三省居民使脅從之徒咸知感畏  
訓辭深厚仁育義正此繼

志述

事之心所由奠民生而承

吳佑也

二十二日

辛巳

勒保奏言

臣

督兵追剿冷添祿二

股竄匪進抵溫湯井地方適王光祖等匪衆擾

及新寧該縣節次告急並恐與冷添祿乘間合

夥當飭百祥穆克登阿由紫水壩進發力剿冷

添祿股匪

臣

卽取道馳赴新寧一面迎頭攔截

一面察看兩路賊勢相機剿辦甫到分雲坡據探王光祖賴儀章兩起賊匪知有大兵到來卽由普安場退赴檀木場仁市鋪一帶維時額勒登保剿捕徐添德股匪由蓬州之兩峯垵千佛巖等處節次兇擊該匪等力不能支卽向廣安折竄額勒登保跟蹤迅剿其富成劉君輔等兩路官兵亦會合前來額勒登保督率阿哈保劉

君輔楊遇春富森布等專剿徐添德大夥賊匪  
進抵蕭家溪正遇賊匪踞渡渠河經官兵分路  
抄殺斃賊一千五六百名淹斃者不計其數拏  
獲活賊嚴大林等七百餘名賊匪更爲震懼乘  
夜從卷硿門石笋寺一路至仁市鋪與王光祖  
等竄合臣到新寧據報仁市鋪一帶賊匪愈聚  
愈衆卽趕緊督兵從檀木場前進適額勒登保



差弁繞道知會前來隨約會督兵兩面夾攻賊衆於屢經剿敗之後情形惶急捨命狂奔至梁山之老鷹場額勒登保星夜兼馳從黃土坡繞出賊前出其不意督兵迎擊斃賊五百餘名生擒李文志等一百餘名臣至石竹坪地方正值王光祖一股匪衆在後抵拒臣督兵趕到殺賊三百餘人生擒秦明佑等七十餘名臣隨卽

潰竄至冷添祿股匪先至三登坡因大兵繞出  
新寧不敢西竄隨搶上新開交界之蔡家山冀  
圖踞險屯紮經百祥穆克登阿帶兵驟至立時  
擊散該匪等復從臨江市竄至邵家場晝夜奔  
逃毫無定向官兵屢次剿擊現在匪衆均向三  
會場水磨河一帶奔逸

臣

查徐添德等所竄路

逕係梁山墊江交界冷添祿所竄路逕係梁山

忠州交界現在知會額勒登保帶同劉君輔等  
由墊江一面兜截派令百祥穆克登阿從忠州  
一面緊追臣帶領官兵由梁山中路進發總期

分投布置將各首逆設法生擒肅清匪黨連日  
打仗百祥等一路陣亡叅將何之璞一員劉君  
輔等一路陣亡遊擊楊洪新把總張登鰲二員  
其餘受傷陣亡兵勇另行查明咨部再查成都

副都統勒禮善帶領滿兵在達州駐劄防守上年十二月十三日猝患中風出缺所有原帶滿兵查有頭等侍衛明興先在達州養傷漸次痊

愈臣已檄行就近暫行署理以資帶兵彈壓又

臣前因龍紹周等股賊匪在奉節大寧邊界往

來奔竄派令副將呂朝龍帶兵策應以遏其東

竄之路嗣據探報龍紹周樊人傑折竄太平當

卽飛飭叅將楊秀上緊堵截而卜三聘龔建等  
尙在奉節巫山一帶游奕滋擾屢次窺伺郡城  
伏思夔州爲川楚門戶設被闌入楚疆殊有關  
係茲觀成搜剿祖師觀餘匪淨盡臣卽飭令帶  
領原兵馳赴夔州相機堵剿奏入

上命軍機大臣傳諭勒保曰據奏剿賊情形仍未能  
將冷添祿截住又任其奔竄梁山忠州交界地方

而王光祖一股匪衆又與徐添德合夥其所稱分  
路殺賊一千五六百名想仍係被脅難民必非邪  
教真賊但額勒登保星夜兼馳往來截擊披閱之  
下亦覺可憐現在勒保知會額勒登保等由墊江  
一路兜截徐添德又令百祥等從忠州一路緊追  
令添祿而勒保由梁山中路進發分投布置尙合  
機宜當趁此各路大兵會合之時迅縛渠魁不得

以賊匪逃逸並無定向爲詞稍有遷延所有打仗陣亡之叅將何之璞遊擊楊洪新把總張登鰲俱著咨部賜卹至稱賊匪卜三聘等尙在奉節巫山一帶游奕窺伺夔州郡城勒保令觀成帶兵前往堵截一節所辦亦是夔州爲川楚門戶自當認真堵禦勿令賊匪闖入楚境爲要又成都副都統勒禮善慮病出外著勒保於軍營出力人員內保舉

二三員候朕簡用

二十四日癸未惠齡德楞泰奏言臣等仰仗

天威於元日擒渠掃穴因探聞太平一帶尙有賊匪  
當卽帶兵起程行抵太平之王家壩接據署太  
平令鍾蟠雲稟稱正月初三四等日探聞樊人  
傑等各匪在陝省西鄉長嶺梨壩一帶游奕川  
省太平地方現無賊蹤並聞宜綿恒瑞泰承恩



王文雄關騰慶溥柯藩俱在邊界帶兵分投剿捕等語看來自易得手

臣

等相隔甚遠勢難兼

顧且川東賊股甚多尤應就近移師相機剿辦

適接勒保來札據稱徐添德王光祖張映祥包

正洪冷添祿等分路四竄均在忠州萬縣梁山

墊江廣安大竹一帶地方遶濶賊股衆多囑令

臣

等帶兵竟赴梁山一路會合剿辦伏查陝界

賊匪既有宜綿等老人在彼截剿諒可殲除現在川東情形甚屬緊要自當趕緊前往卽於十四日由達州一帶前赴梁山墊江等處合力剿辦奏入

上命軍機大臣傳諭惠齡德楞泰曰樊人傑等不過內地亂民宜綿等督撫提鎮多人不能擒獲一賊能無羞愧而惠齡等又以陝界賊匪已有宜綿等

在彼截剿不復兼顧此等互相推諉惡習相沿日久竟屬牢不可破今惠齡等因接勒保札稱川東情形緊要卽就近移師梁山墊江等處剿捕自亦是一辦法但惠齡旣至川東以後若又不能擒獲徐添德冷添祿等則又將以何辭塞責耶朕素聞各處情形湖北則教匪多而脅從少川陝則教匪少而脅從多此等匪徒誅之不可勝誅除著名各

首逆自當悉數殲擒斷難寬貸外其餘逼迫附和之衆若有臨陣投降悔罪乞命者不妨剿撫兼施以期解散賊黨前因惠齡等拏獲賊首羅其清申文儔著有微勞疊經加恩豈竟全無良心不知激發且以各路軍營帶兵打仗而論衆人已不出力而惠齡在衆人中尤爲最不出力之人惟專以擒一賊首希藉邀功卽有另股賊匪經過伊亦置之

不顧此等情形朕知之甚悉今勒保已授爲經略  
惠齡等俱受其節制所有冷添祿徐添德王光祖  
等各股竄匪應如何率領官兵相機截擊皆係惠  
齡分內之事倘遇有檄調或藉口稽遲或從中掣  
肘則是有心玩愒必當按律治罪凜之慎之

上又命軍機大臣傳諭勒保曰前經授勒保爲經略  
令各路帶兵大臣及湖北陝豫各督撫悉受節制

責任不爲不專惠齡接到勒保知會卽帶兵前赴  
川東現已降旨飭令惠齡到彼認真剿辦徐添德  
冷添祿等股賊匪是該處兵力不爲不厚勒保呼  
應亦不爲不靈若此時再不力加振作殲獲渠魁  
更將何辭推卸耶蓋經畧之任甚重從前如鄂爾  
泰之辦理古州苗疆傳恒之平定金川皆以經畧  
成功今勒保身膺重寄惟當以鄂爾泰傳恒爲法

況勒保係溫福之子溫福前以將軍督兵進剿金  
川辦理未合機宜致在木果木僨事勒保尤應深  
鑒前事勉樹勲績爲伊父爭此顏面而川楚教匪  
早矣蕩平完此第一件緊要之事朕亦可仰慰

皇考在天之靈矣勒保前因擒獲王三槐已蒙

皇考施恩晉封公爵今若能將各首逆以次擒獲迅速

肅功朕仍當加之懋賞勒保方爲不負委任也

二十五日 甲申

上諭內閣曰松筠數年駐藏辦理諸事謹慎妥善著  
來京補授戶部尙書所有駐藏大臣事務著英善  
就近由四川前往接辦其川省糧餉事宜著交明  
興妥爲辦理

二十七日 丙戌 內宜綿奏言 臣馳赴紫陽因賊匪李

樹樊人傑龍紹周張世瓏等均竄聚西鄉漁渡



壩正在分派總兵慶溥柯藩會同恒瑞王文雄  
分路進剿十二月三十日接據平利縣知縣任  
奎光稟報有川匪二千餘人由黃安壩竄入縣  
境之乾溝地方恐鄉勇不能堵禦請兵救援

臣隨

派叅將韓加業帶領兵勇前往堵禦復飛調防  
守王黑壩之總兵慶溥同副將李文蔚統兵馳  
赴滔河迎頭截擊正月初七日賊匪攻撲安康

之亢河腦經署縣丞丁福志典史李林等同義  
首汪兆洪率領鄉勇擊退拏獲賊犯焦卓清據  
供此股賊匪係李樹分出之夥黨湖廣人靖金  
宋麻子爲首欲竄入紫陽鎮安一帶與張漢潮  
合夥等語隨飛飭韓加業由木竹埡進剿於十  
一日正遇賊焚掠卽帶兵趕上殺斃賊匪五十  
一名生擒萬正祿等八名該匪遂翻山逃遁韓

加業追出斑鳩嶺惟時李文蔚之兵正在黑虎  
廟堵截賊匪不能出洞汝河遂由六道河權河  
一帶奔竄十三日慶浦從雷打石帶兵抄出權  
河率同叅將李逢春遊擊洪德槐他哈朱天貴  
都司楊雲霄從六道河左邊山溝兜剿韓加業  
李文蔚由六道河右邊率兵趕殺兩路並進該  
匪等見官兵追逼拚命抵敵我兵亦從捷徑突

出三面圍攻爭先進剿該匪遂翻山竄竄我兵  
緊追殲賊二百餘名生擒陸西友等十四名賊  
衆由界嶺奔往川境廟子壩地方我兵追上界  
嶺時已夜深卽分紮營卡堵截十四日五鼓慶  
溥復同韓加業李文蔚金鳳等趕赴廟子壩追  
殺七十餘里斃賊一百餘名賊匪俱遠奔川境  
所有三次殺賊陣亡千總馬龍圖把總高瑛二

員兵勇亦問有傷亡俟查明咨部

臣

隨將獲賊

陸西友等嚴訊與焦卓清所供相同卽行正法  
其漁渡壩各股賊匪經柯藩在龍洞溝打仗生

獲賊人龍玉成供係龍紹周胞姪因該犯受傷

甚重隨卽梟示嗣經王文雄於正月初一初二

初二等日連次打仗賊衆竄至長嶺一帶屯聚

查長嶺南去卽係川境西北一帶路徑分岐

處處仍可闌入

臣

因平利賊匪竄回川境隨留

李文蔚駐兵界嶺卽親帶慶溥韓加業之兵由

紫陽一路會同恒瑞王文雄相機剿辦長嶺各

股賊匪再賊匪張漢潮從盧氏折回翻山入五

郎境內

臣

因堵剿平利賊匪不能兼顧隨飛飭

關騰繞道前赴石泉要隘堵剿該匪分爲兩股

前股翻山逃往鳳縣留壩邊界經總兵官信遊

擊邢承誥守備尙其倫等分路迎追現經明亮  
與肇帶兵趕上正可併力截剿其後股之賊經  
闊騰在石泉之柏木溝地方截住復折回鎮安  
之燕子嶺現在奮力追擊奏入

上命軍機大臣傳諭宜綿恒瑞王文雄曰宜綿奏堵  
剿竄匪連日打仗情形皆不切要以各路將領多  
人並未能擒獲李樹樊人傑等併分出爲首之夥

賊靖金宋麻子亦未能弋獲所剿賊匪亦屬無多  
且恐皆脅從之人未必果係真賊並有以張漢潮  
諉卸與明亮興肇之意宜綿又未身在行間僅據  
稟報之辭一奏塞責仍蹈素日積習朕向聞宜綿  
自帶兵剿賊以來賊至則不敢向前賊去則移營  
前往因將軍機處抄存伊節次奏摺底詳加核對  
皆於無賊處所駐劄畏葸無能巧於退避實與朕



所聞相符卽如本日奏到之摺旣稱張漢潮竄入  
五郎境內伊以堵剿平利賊匪不能兼顧爲詞其  
實平利一股賊匪又不見其親往剿辦僅委鎮將  
等帶兵堵禦俟賊匪竄回川境後宜綿始由紫陽  
趕赴長嶺此卽避賊之明證宜綿著傳旨嚴行申  
飭並著卽解任來京候旨所帶將弁兵丁等卽交  
與恒瑞王文雄管領伊二人一係將軍一係提督

陝西卽其所轄呼應必靈當以堵剿陝境竄匪爲  
專責倘有逸賊奔回川省者自有勒保額勒登保  
惠齡等在彼殲殺伊二人不必赴川轉使賊匪聞  
知領兵大員皆在川境又復折回陝境滋擾也若  
嗣後有川匪闖入陝境往來自如者則惟伊二人  
是問所有此次打仗陣亡之千總馬龍圖把總高  
瑛均著咨部賜卹總之邪匪必不可赦良民必不

可誅剿撫兼施方爲正辦恒瑞王文雄惟應恪遵  
指示認真堵剿上報

皇考委任之恩下救黎民倒懸之苦此我君臣所共當  
勉者也

上諭內閣曰宜綿自帶兵剿賊以來並不能親臨行  
陣堵剿竄匪且年老多病恐其貽誤軍務宜綿著  
卽解任來京候旨所有陝甘總督印務著恒瑞署

理秦承恩聞亦多病精神不能振作想伊才具本短又因伊母故後心緒昏瞢陝西軍務緊要秦承恩不必署理巡撫著卽回籍守制永保著賞給頭等侍衛銜署理巡撫事務俟賁經畧印信到川面交勒保後著卽馳回陝西接印任事

二十八日  
丁亥 恒瑞秦承恩奏言查南路各股賊

匪前由川省竄至西鄉漁渡壩魯家壩毛坪河

等處王文雄由堰口馳往督率叅將鮑貴都司  
關聖保梁煥等分兩路進兵將魯家壩毛堽河  
賊匪剿殺數十名至百餘名不等賊匪畏懼又  
因中路各卡堵禦嚴密隨會合漁渡壩之賊向  
西奔竄乘夜攻撲楊柳山卡隘經臣秦承恩派  
防該處之義首回宗興李顯中等帶領鄉勇殲  
賊數十名賊匪退去又西竄鳳大巴山雒家壩等

處分路牽綴官兵希冀乘間衝突俱經臣恒瑞

督率巴圖魯侍衛江鼎副將德忠凝德等先後

擊退殲斃甚多生擒執旗賊目一名訊係首逆

龍紹周之姪龍曰禮帶領夥匪前來撲卡當卽

正法賊復西竄南鄭花石梁又經該處守卡鄉

勇據險堵截未令闖入現在各股賊匪分竄四

川通江之朱家壩廣家店等處屯劄距南鄭邊

界甚近並有分股賊匪折竄西鄉南路

臣

恒瑞

現移兵南鄭法慈院一帶探明賊近何路卽赴

何路截剿王文雄暫駐西鄉罐子山

臣

恒瑞復

派總兵關祥帶兵在大巴關一帶幫同王文雄

相機堵禦

臣

秦承恩督率文武員弁兵勇往來

防範至北路張漢潮一股由南山內奔竄擾至

蓋屋二郎壩欲由觀音峽竄入平地掠食副將

官信遊擊邢承諾等從間道抄出截殺多名賊  
遂翻山晝夜狂奔西竄鳳縣之紅花溝其地北  
接寶雞西通兩當官信等隨覓路趕至寶雞顧  
仕大路卽由鳳縣一帶向南追剿明亮與肇等  
帶領官兵由褒城沔縣繞出賊前向北迎擊其  
兩當縣邊境現亦駐有官兵並經臣秦承恩先  
飭該地方官添集鄉勇嚴密防堵有此三路兵



勇自可會合兜圍尅期撲滅臣等欽奉

諭旨諄諄訓誡惟有殫竭血誠奮力剿辦斷不敢稍有稽遲自干咎戾再張漢潮一股尙有衝散餘匪竄至鎮安山內宜綏已派總兵關騰帶兵搜洗

同日景安奏言張漢潮一股賊匪前經遁赴五郎洋縣一帶經臣派令總兵王凱帶兵千餘名

駐守鄖西邊境以防折竄

臣

暫駐鄖陽適中之

地以爲南北兩路策應茲准宜綿札會張漢潮

股匪在石泉地方經官兵衝殺截爲兩股前股

由洋縣趨赴留壩鳳縣一帶經明亮興肇帶兵

趕至漢中截擊其後股約有千餘人由漢陰安

康折回鎮安境內止有總兵關騰帶兵剿捕又

成尾追之勢必致東入鄖西境內等語並據總

兵王凱稟報賊匪於十六日已至鎮安穆王坪

臣

查郎西鎮安接壤山路紛歧雖有王凱帶兵

駐守尙不足恃

臣

卽帶領官兵馳赴郎西邊界

迎頭截剿斷不使一名闖入均奏入

上命軍機大臣傳諭勒保恒瑞明亮興肇秦承恩王文雄景安曰恒瑞秦承恩奏南北兩路賊匪情形仍屬敷衍空言毫無切實卽所稱王文雄將魯家

壩毛坪河賊匪剿殺數一名恒瑞在大巴山將衝  
突賊匪殲斃甚多之語皆不足信亦恐多係被脅  
難民未必果皆真賊其擒獲之龍曰禮亦僅據伊  
等指爲逆首龍紹周之姪現已正法又何從究其  
真僞至秦承恩久經患病朕早有所聞今摺內尙  
稱督率文武員弁防範各卡並稱奮力剿辦不致  
稍有稽延試思剿辦教匪以來伊等怠玩稽延已

及三年毫無功效居心實不可問尙靦顏爲不敢  
之言將誰欺乎總之伊等帶兵督撫大員畏蕙無  
能惟知每隔數日將各處稟報情形委之庸劣幕  
友鋪敘一招人告塞責而摺內多填粉飾之詞藉  
爲寬慰其實自占地步此習若不除盡則軍營真  
情無由上達朕聽朕將何所據而施之籌畫乎嗣  
後汝等辦理軍務惟當一洗從前陋習總期核實

或將某處賊匪剿除或擒獲著名首逆卽零旦剿  
殺者亦必果係真賊方准據實奏報否則寧遲數  
日不得仍前按期發摺虛語搪塞徒勞驛遞也至  
張漢潮一賊老病無能現已窮蹙到處掠食經明  
亮輿肇繞出賊前官信邢承誥緊躡賊後而兩當  
縣邊境駐有官兵並添集鄉勇正可兩面夾擊此  
實大好機會明亮等務須倍加奮勉生擒張逆不

可復令逸去至各股賊匪現皆屯集川境明亮等若能迅將張逆股匪全數殲除則陝境可就肅清卽可帶領勝兵前赴四川遵照前旨或與勒保同在一處或別領一軍分布要路與勒保會商辦理至恒瑞王文雄二人昨已有旨令帶宜綿之兵在陝境駐劄伊等惟當以疆域爲重在邊界要隘堵剿各股竄匪不得越境糾賊轉致賊匪得以乘虛

關入本省境內爲要再副都統訥音前經派往軍  
營帶兵今各路奏摺總未見提及訥音究在何處  
藏匿並著勒保查明覆奏至景安所奏馳赴鄖西  
邊界迎剿張漢潮一股竄匪全不切實亦係空言  
張漢潮股匪前經竄入陝境五郎洋縣一帶湖北  
鄖西邊界最關緊要乃景安遠駐鄖陽僅派令總  
兵王凱駐守鄖西殊屬畏怯退避現在張漢潮已



竄留壩一帶而後股賊匪復由安康折入鎮安與  
鄖西境壤緊接景安摺內止知關騰帶兵剿捕又  
成尾追之勢不知責已殊不思伊從前節次帶兵  
堵剿時惟事避賊而行賊至則移營他往賊去始  
遠躡賊蹤則併關騰尾追之不若矣卽如此時伊  
果早駐鄖西賊至正可迎頭截剿又何待聞信後  
始行前往乎況前往與否尚未可知著傳旨嚴行

申飭現在該省業經帶兵到彼務須督飭鎮將并  
兵實力剿捕毋使真賊一名漏網以贖前愆倘仍  
前觀望遷延又致賊匪擾及楚境則軍法具在斷  
不寬貸也